

四庫全書

集部

欽定四庫全書

集部

鄱陽集卷八七

詳校官庶吉士臣范逢恩

檢討臣何思鈞覆勘

總校官編修臣王燕緒

校對官助教臣卜維吉

謄錄監生臣張同履

欽定四庫全書

鄱陽集卷七

宋 彭汝礪 撰

律詩

夏六月公濟與弟六人游安國竹園某有詩

萬竹紛紛光欲流花亭況在竹林幽陰藏絕徑為深谷
風起炎天見早秋此地遂為千畝勝吾儕非止七賢游
清涼可愛無朝夕無悶昏鴉故未休

晚行竹林兄弟相率賦詩

苒苒秋風吹我衣
留連清勝夜忘歸
眉橫雲外新蟾上
雪落林梢白鷺飛

又

碧竹侵雲一萬竿
挾書時此共盤桓
湘沅見說官期逼
預惜朋游別去難

某在合肥嘗夢同子直在橫川舊遊
遞中有詩往還子直見招因用前韻來寄

春風把酒共溪邊
南北紛紛遂五年
綠綬終朝寄塵俗

青雲昨夜夢神仙
詩多老格知難繼
易外新聞念未傳
鬢鶯異時佳句在
吾游不敢負橫川

汴水呈祖道

萬事無庸輕是非
扁舟吾與子同歸
不知心逐征雲遠
安得身先去鳥飛
月入江湖生夜色
風吹花木長春暉
鬚毛每笑多新雪
衣帶頻驚緩舊圍

和祖道見致政王中允題壁

里巷參差一水間
水邊相失復三年
舊題想見風規好

清隱傳聞志尚賢
道路尚能談舊事
林泉寧復掛塵緣
遲回祿仕予真怯
不獨無君郭外田

江口道中

道路春晴柳葉長
川原水涸草叢黃
陰晴天氣猶寒食
村郭人家自故鄉
地曠馬牛羣放牧
時平兒女自耕桑
馬蹄即踏江南路
村店相看酒一觴

和祖道渡江

歸上慈親酒一觴
吾榮不啻插塵幢
雨沾馬轡行春野

風滿舟檣泛曉航江路好山隨步履人家流水照軒窗
梅仙不怪多詩思鶯語紛紛燕子雙

曉行

遲明騎馬聽鷄號霧露紛紛上鬟毛烟宿平無疑遠水
風鳴高木聽飛濤暖迴宿草春初見光動扶桑日欲高
橫笛一聲還出牧稚兒無不笑吾勞

和致遠登樓有感

昔人已勸莫登樓年少登樓應白頭鷄鵠雪殘冰尚泮

蓬萊雲靜月如流燈棚影闊明千里樂部聲長在十洲
萬物莫如公最樂詩情應祇為民憂致遠詩有憂民之句

贈陳擴秀才

原憲家無金玉儲生涯惟有一床書衆人清論誰知子
終日高談謝起予叔夜未嘗聞喜愠偉容如不辨親疎
丈夫當重功名計天子重閽好曳裾

寄子文友

古人湮沒不能見交道陵夷真可哀與子碧江相別後

到今青眼未曾開。幾傷尺素無人寄。猶喜新鴻昨夜來。
懷抱相思長。抑鬱燕居還念此心哉。

讀張華傳

堂堂才業世無隣。坐揖荆吳屬晉民。當日若知誅嬖妾。
英魂未必死姦臣。尚能博識周羣物。誰使無謀衛一身。
典午基圖從此殆。開編令我淚沾巾。

春日

青春久雨郊原暗。白日新聞錦繡明。苒苒碧絲垂柳樹。

勻勻紅粉上花英，人生最貴達辰樂。
暇日終當載酒行，無為草玄成寂寞，便輸風景屬流鶯。

和千乘先生詩

蓬蓽猶淹濟世圖，獨持經術振羣愚。
窮自古競賢者，功業于今屬丈夫。
天下久思安石起，時人爭笑孟軻迂。
何時幣聘來莘畝，佇聽嘉言上禁途。

賦環翠軒池鷺鷀環翠張子直所有也

池軒澄澈岸花薰，吾愛微禽獨此存。
野性尚思江海逸，

靈心應識稻粱恩春風鼓舞波濤綠夜月樓遲藻荇繁
沙鴈溪鳥應羨汝光輝終日望華軒

與程德林

俊骨風標固逸倫况聞才術巧安民尋常恨不親高誼
邂逅相逢即古人議論恥拘時俗態笑歌惟取性情真
從今便作忘形契安得相從席上珍

病居寄程德林

槿花時態厭羈貧誰恤天涯卧病身千里有家歸未得

一心無賴恨長新形容憔悴真衰漢意氣蕭條似老人
恨乏酒樽將寂寞獨憑詩句訴酸辛

月夜憶伯兄兼寄諸友

炎暑遁逃天已涼日陰苦短夜初長風聲日色盡秋意
海角天涯非故鄉鶯谷久離愁滿眼鴟原一別淚沾裳
客情欲借清吟遣詩就客情彌慘傷

適婺

浮俗區區走利名吾儒何事亦勞生昔騎馬作衢江計

今買舟為娶女行南北東西無定日艱難險阻亦常情
日多好景誰同詠樽有清醪且自傾

寄桐廬諸友

整頓衰羸尚未蘇信音都向故人疎須憐大子常多病
莫笑嵇康懶作書庠序舊規還在否道塗新況比何如
鱗鴻若到江南地願寄聲音一起予

寄鄒廣道

陋學常嗟趣識迷羨君先得正塗歸直從前哲評高下

金匱正言卷之三
卷七
羞與時人較是非長憤荆蒿埋杞梓忽驚沙砾得珠璣
相從未幾又相去東望門闌心欲飛

又

夙昔聞君有古風里間邂逅一相逢金蘭密契雖深結
風月高吟未款從寶玉如能庇嘉穀微萬終待倚長松
江頭若有東歸鴈時寄聲音慰病容

風便示君時叔宜二弟

掛帆瞬息絕遠水行李逡巡臨故鄉雨潤棣棠千葉葉

雲深鴻鴈一行行清吟未愜溪山勝熟睡不知歧路長
邂逅此時同此樂萱堂卮酒意難忘

簡振道判官

涉汴浮淮即渡江一春飽滿看滄浪臨溪高柳為誰綠
隔浦幽花還自香暖日魚兒浮密藻輕風燕子語危檣
遙知景物煩酬唱到日詩成幾百章

江流

江流繚繞轉天涯萬幅風帆去若馳紅日遠山開殿閣

金匱月令 卷七
青天高木出旌旗蛟龍迴泊鰐鱗動燕雀飛翻羽翮遲
身世百年長擾擾扁舟多謝捕魚兒

子發南樓餞穎叔適以使事出行因寄拙句

溪山遠遠綠如如坐想南樓縱目初相別無緣看楊柳
贈行不敢愛瓊琚浮生稍自嘗艱險遠道非關畏簡書
雲去正凝千里目鴈來能寄一行歟

送君時東歸夜宿城外并橋上

踴踴星月帖雲浮槐葉風聲已轉秋欲寄歸帆終未得

徒分心逐水東流

又

紅蛻盤泊宿河陰氣勢凌空幾百尋月近潭如天上坐
風來不見世間音吾哀祇有臨淵懼爾壯能無題柱心
病眼昏昏常似霧不堪頻淚欲分襟

君時與董君佐以鄉薦相次登甲科有詩送之

邀予同賦

青衫慰子久蹉跎各喜流年壯未過金玉曹劉初並價

淵源游夏復同科紅塵去馬侵星月綠水歸艎觸芰荷
邂逅故鄉秋正好相看憶聽鹿鳴歌

治平赴肥陵幕侍父兄宿大孤山南今復泊於
此

扁舟曾宿此江堧當日朱顏尚少年彩筆偶攀天上桂
青衫初泛幕中蓮浮生夢幻今衰矣薄宦風波尚慎旃
記得父兄游屣處淚添溪水欲無邊

送梁晦之詩并序

治平熙寧中某以職官事張侍讀傳學士宋
大監於合肥與程公權嗣隆汪汝道汾俞誠
之希旦錢穆甫梁晦之俞君玉城刀德華璆

為僚俛天隱先生治學其游甚樂也而六七
年間學士有母之憂宋致政張程倪三公达
汝道德華貶官惟誠之穆甫出使京浙君玉
領麾在萬里之外晦之得忠州不赴屈臨陝
府米倉某方起外艱調官走京師其形容蒼

然已非昔時人矣見晦之相與道舊語及存
沒憂患之際愴然久之因相語曰人生乘物
而游于天地之間死生榮辱出處得喪皆非
我物也在我者知為善而已道不行於天下
亦必行於妻子名不得於上亦必知於下富
貴不在其身亦必在其子孫此又不得行亦
皆命也人如彼何哉亦強為善而已矣晦之
行趣官因序所言為別并以詩繼之

行李參差久不齊
飄蓬邂逅暫相依
趨馳靜笑營生拙
老大今知舊態非
車馬一朝君北去
江湖何日我南歸
人間物物渾虛幻
莫為分襟淚輒揮

江口

北風吹蕩酒旗斜
渡口寥寥數十家
茅屋尺椽貧活計
漁繒一幅舊生涯
青雲正着楊柳葉
白雪已開蘆葦花
蓬笠焉知慕軒冕
牛羊豈遂勝魚蝦

粹老召飲滕王閣遂過徐亭泛舟戲呈粹老

溪山高下綠參差終日清風慰所思何不並攜安石妓
却須一過習家池桐孫轉影隨朱檻蓮子吹香入酒卮
曉色江湖秋更好微雲恰值雨來時

游東湖

草色薰葭蘆葦中蓮花一片萬枝紅斜陽色妬波心日
細雨香吹水面風澤國地開金色界桃源人在水晶宮
扁舟便好如張翰好在溪邊舊釣筒

詩呈季友殿丞因寄正父兄

寂寂門無車馬塵故人相過覺情親焉知軒冕金朱貴

不笑蘋鹽藜覓貧看月縱吟顧閣夜挿花沉醉鑑亭春

白頭想歎童兒事渾屬溪邊自在身

退之云太學三年朝蘋暮鹽又云三

年國子師腸

肚飽藜覓

生日提點少卿公謌惠詩因次元韻

水日金行共一鄉丈人每愛我辰良驛鶻未解馳千里
弧矢猶知志四方漫與乾坤同作客笑看兒女已成行
貧家祇似尋常日金玉何為忽在堂

公謌嘗為予言命

寄雲居覺老大禪師

雲中樓閣綠沉沉杖策城頭望正深山近想瞻師子坐
風來疑聽海潮音三乘漫設牛羊鹿一路誰分耳肉心
祇道不增還不減元來非古亦非今

和莘老元日時改元豐

天以元豐號太平新年風物兆康寧農人待種滂沱雨
太史仍占潤澤星初日浮陽臨夏屋宿霜澄澈照寒廳
王津池北池南路還擬同探柳眼青時太廟宿齋後三日宿玉津西園

又

衣冠投曉賀元正草木欣欣共晏寧玉歷已開新歲日
璿璣猶數去年星風流豈遂同烏府香火還來共水廳
漸老莫驚頭欲白公名久已在丹青

楊浩然見寄因次其韻

百年流轉笑浮生憂思隨時苦未寧心胆愛君長似水
鬚毛如我欲垂星春風半夜燒燈院臘雪窮年祭酒廳
夢寐舊游如昔日可憐庭柏自青青

子與浩然同在學宮上元嘗一至相

國屈指今
五年矣

和大名掾舍弟君時

大名書到慰離憂南北還嗟各宦游任責踰天涯吾不樂
食功隨分汝何羞客塵汎汎常時味河水渾渾一片愁
綵服欲歸今未可遙將心寄日邊州

和草老城東齋祠

鬱鬱葱葱佳氣中曉天春霧濕濛濛山川更洗崇朝雨
草木還催二月風樂國地開金色界容臺人在水晶宮

長年飽食知無補尚有私誠祝屢豐

又

天上春來今幾時園林已自足光輝桃心欲放輕紅出
柳眼初分嫩綠歸解凍暖風吹浩蕩養花新雨落霏微
知君準備多行樂佳句何妨及繡衣

急雨

遠岫低連野水蒼田溪急似雨淋浪靈壇冉冉雲烟淨
小徑深深花草香落日客帆千點細秋風漁笛一聲長

詩成未解酬真賞追逐須將夙願償

山堂

江湖曲曲抱千峯堂在山光水色中雲薄祇疑蓬島近
湖深遙覺海門通扁舟蓴菜知無限促席榴花定不空
獨倚欄干西北望子牟此興亦無窮

望雲臺

欲望都門春正深高臺孤絕更登臨空雲靄靄生歸思
鳴鴈雖難多好音華蓋熒煌天半際瀛洲縹渺海中心

江天抱病頻搔首自笑紛紛雪已侵

鬱孤臺

江城塵土日喧喧中有蒼然一點山日暖蜃樓浮海上
花深蓬島在人間晴雲鶴鶴千峯遠碧瓦鱗鱗萬屋環
却望鍾陵何處所客心先與水東還

離贛上

昨夜水生三尺來忿忿相送若相催大聲振地潛魚躍
白浪粘天高岸摧宿雨未收雲靄靄春鷗無數雪皚皚

問奴新釀猶餘否為我臨溪開一盃

送正夫之鄆

清河如練月如霜六月舟行亦自涼驄馬何為輕去國
錦衣不害數還鄉高才落落邦之傑令問洋洋民所望
城上望公公更遠人間今日日何長

答趙正夫

風波久與故人違臨水登山百爾思世事易令人尚簡
年華稍恨我哀遲尚遷喬木出幽谷忍舍靈龜觀朶頤

魚鴈不應嫌寂寞時將一字寄天涯

以去年詩再答正夫

不顧與公終日違別離草草不勝思老便靜處溪山好
懶見閒中日月遲論易朱雲折其角說詩匡鼎解人顧
歲云暮矣來何晚倚杖相望一天涯

飲君宜弟所寄緇衣酒繼得書因成小詩奉寄
少時離別似尋常老大別離多感傷飲酒看雲心散漫
開書對雨淚淋浪棣棠密織花成錦鴻鴈斜書字作行

未到與人貪富貴會須同汝老耕桑

寄君時學正弟

亦與兒童酌酒醪焚香頌祝不勝勞命如千載松難老
德比九疑山更高頂上少時多鶴髮眉間近日有霜毫
江湖復見年時鴈倚杖孤城首重搔

敏叔家會仙洞

大松十里建旌麾曉日朝霞五色衣幽谷靜聞猿一嘯
白雲時見鶴雙飛花開洞府春長在人會瀛洲夜未歸

家近武陵時入夢詩成更憶故山薇

答周考功惠黃絲棕心席玉面界枋

老年離別欲心折不似舊時年少時人世匆忙疑是夢
鬢毛感慨欲成絲剛嚴碧玉方無玷潤澤黃絲席有儀
觀物似公長在眼祝公千歲比靈龜

和通判章承議

決勝從容樽俎間一軍爭死不知還拔旗往蹈烏丸壘
杖筆橫封函谷闕畫像麒麟天上閣銘功雞鹿雪山中山

我榮不與諸公比歸見慈親一解顏

又

盧商舟浙兩岐間四月軍行八月還
龜息不妨窺道奧
鼠偷無敢近禪關雲迷漢水滄浪水雨濕蒲山岌嶧山
曷日與君同此樂清言猶可慰衰顏

答毛提舉惠新酒鷄頭依韻奉寄幸一笑

齊鵠順風飛上天空籠遂至扣猶全

正仲寄酒鷄頭至南陽某既歸襄陽

但有書故云滑思琥珀千鍾滿軟憶珠璣一樣圓舉白醉攻

愁自破疏黃煖與病相便南歸幾夢涼堂會咫尺書來

更愴然

南人謂鷄頭為水疏黃

和張侍讀游蜀山

日光拂拂已破卯野色依依猶帶秋風卷旌旗出城曲
雲迎步履過林幽欲扳懸崖訪猿鶴更逐去鳥窮淵丘
脫酒塵埃坐清曠靜窺萬物都蜉蝣

送熊次道因寄了元

去入紅蓮幕來儀振鷺庭文詞元潤澤才力更精靈須

作晚成器擬看新發硎綵衣長暇日多聚讀書蠻若見
焦山老相煩為寄聲別來頭上雪添得一千莖

寄周朝議至樂堂

賞花載酒百花洲看雪開筵白雪樓不盡山川長在目
忘機鷗鳥自隨舟常時一笑有餘味今日相思翻百憂
聞說作堂名至樂幾時還得與公游

又

世味中人醉不醒公歸正似解人醒歸雲意思聞方見

瘦鶴精神老更清但與堯民時擊壤何須秦女會吹笙
淵明已有歸來賦桀溺應容作耦耕

和鄒漢廣見寄

征旆飛飛度夕陽畫橈隱隱照溪光白雲點綴千峯綠
青女摧殘萬葉黃林外小花留蝶蝶岸邊深藻宿鴛鴦
滄浪可愛須沉醉詩老無疑緩報章

濟叔潤之兄弟見送出小渡

欲寄窮通逐水滙共君歌舞醉新秋詩辭可愛題黃葉

別意難忘寄綠洲雨過微風催去棹夜涼明月滿歸舟
又隨天外一飛鵠可羨波前雙白鷗

晚晴

萬里無雲雨意醒江湖滿載夕陽明老翁暮釣扁舟去
稚子歸樵一笛橫溪月悠悠含夜意林風細細作秋聲
詩魂散落無羈束試效樊川賦晚晴

山游

試拂塵衣訪遠蹤詩魂獨與賞心同低低弱柳啼秋雨

細細寒蟬嘯晚風。岩石溪流相照。綠草花楓葉一般紅。
王琴寫盡逍遙意。疑到蓬瀛島嶼中。

過嶺上

山幽漸失塵埃路。勢險方知造物功。岩溜飛光動天上。
樵斤遺響落雲中。烟迷山島千峯細。日轉寰區萬里空。
安得謫仙來並此。醉浮風馭過蟾宮。

將寄豫章以詩先寄文淵秘校

已傳靈耗煩晨鵠。更作新詩寄塞鴻。千里薄寒沾暮雨。

百壺清笑望秋風仙人樓閣重湖外帝子亭臺翠靄中
謝傅未忘丘壑意待攜歌妓醉山東

刑部丈寄酒因成短詩以謝

玉壺寄酒來三島蓬鬢持不寧學八仙詩句剪裁揮翰墨
賞心飛舞度林泉秋風會圃尋霜實明月歸舟載錦鮮
甘倚白雲窮一醉為公吟盡洞中天

徐中文赴新建以詩寄之

童稚驩呼喜欲顛蕩舟爭楫縣公賢荆萬自覺風霜逼

花木須驚雨露偏天下事煩宜振領古人材銳戒窺淵
君心舊得中和說定與龔黃議後先

新建宰徐中文尉甯文淵出城見餞

詩句飛華照彩牋酒花浮綠動金船眼看世態嗟無益
心到天真喜自然盛德優容聞邵父清才脫酒愛梅仙
却嗟風雨催行色不得相從醉洞天

別子直

高秋惜別苦忽忽不得清吟日日同步履忽迎春色合

金匱口要 卷七
肺腸甘逐酒樽空一舟喜逐征帆北千里愁逢去鷁東
恰似江神惜離袂夜來故作打頭風

次韻周戶曹水軒

新闢頽牆得小軒未成詩思已相關一窗嫩綠分肥水
十里澄輝接蜀山近岸雨收風滿徑暮天雲靜月當顏
參軍莫作塵埃嘆剩有幽虛伴若閒

寄明甫約出錢城西既以病告遂已

結束行裝赴早秋愛憐交論重遲留樽空北海虛前約

病告東陽益別愁征旆幾時歸偃月客心一夜夢藏舟
塵埃日日無窮盡能免幽人笑我不

和戶曹池亭韻

水光苒苒上朱欄六月軒楹起薄寒誰約醉翁同酒艇
欲尋溪叟問漁竿風飄翠芰清如洗雨裛蒼苔綠未乾
見說諸公游興懶夢魂終夕為盤桓

和史司理水軒

收拾澄虛過斷牆軒楹從此有輝光草侵兩岸春應好

水接雙溪晚自涼詩念松陵頻縱筆會思河朔重飛觴
漁舟占盡江湖樂應笑吾儕薄領忙

次周戶曹見寄

車馬敢危冒險艱烟塵衰颯病容顏游心自惜相逢晚
歸興能忘一笑間野色無涯秋苒苒溪聲不息夜潺潺
而今幕府文書少須約詩筒重往還

長嶺值風

江上避風苦流滯林邊步竹強遲留山迎草色渾青黛

浪逐鷗羣盡白頭垂柳絲絲縈渚岸落花片片入溪流
興來却喜閭閻少雙眼無塵事事幽

西口值風

逐處烟嵐照水村誰家草色接衡門山藏曲圃非塵路
花滿幽蹊似故園海燕鬪風輕笑語林鶯帶雨巧飛翻
天時似有清明意自作新歌慰旅魂

和廣漢旅中韻

苒苒征衣冒曉霜客心衰寂鬢毛蒼故人行李來江外

游子飄蓬念異鄉言失筌蹄知意得醉遺簪紱覺形忘
青衫四十猶羈旅嘆息泥沙困乘黃

席上分題得長字

肥上相逢各異鄉笑歌猶得慰參商人心未盡文章樂
馬首還趨道路長鶴髮久埋宗廟器荷衣行覲赭袍光
功名自有天時在更盡林邊酒一觴

得趙吏部所附第二書

日月不停如轉車忽忽還見歲其除已行沙漠數千里

纔得京華第二書一讀令人喜不寐萬金於我實何如
遙知日月從三友弟勸兄酬樂只且

與磁倅郭公域

熙寧天子作文功揀點官師在學宮鑿水三年嗟我拙
蘭英一笑憶君同熙寧中予作太學直講公域作監丞嘗同飲蘭英酒青衫昔日俱強壯白髮今時已老翁邂逅欲言渾不及別離三四嘆西風

元日

玉律陰陽會璿璣 日月新熙寧萬歲歷元祐八千春卦
象已乘泰斗杓方建寅白頭諳守歲紅燭最知春栢酒
人懷遠餬盤客薦新老來長道路慙愧百年身

答相州司諫同年

白簡風聲雨雪霜幾回趨走並鶴行清名久自還吾黨
治譽今尤慰所望時成之守相州安穩慈親行小徑光輝彩服
侍華堂我今不復有此樂一讀君詩三斷腸成之詩云
君今輸我

侍萱堂

望雲嶺飲酒

班荆解馬面遙岑北勸南酬喜倍尋天色與人相似好
人情似酒一般深接伴待制舉酒云人情似酒一般深豚魚尚可及人信
秦越何難推以心立望堯雲搔短髮不堪霜雪苦相侵

北使還代書寄穎叔

南行湖海北幽州不見故人今幾秋萬事塵沙渾是夢
百年露電只如流欲觀王儉紅蓮幕更上庾公明月樓
舊說楞嚴多少義由來祇在一毫頭

尚德

萬里沙陘險且遙
雪霜塵土共蕭條
未煩使者旁通宛
已見將軍夜度遼
日御邊誰似宋
今時尚德莫如堯
試看虞舜岩廊上
何羨呼韓渭水朝

南歸

忽忽燈火着征衫
客鬱酬酒既酣老
馬經時俱首北
大鵬今日會圖南
擬舉樂事羞華髮
欲問生涯指舊庵
貪惜上恩歸未得
素餐自愧百無堪

سیده	میرزا	علی	حسین	علی	حسین	علی	حسین	علی	حسین
سیده	میرزا	علی	حسین	علی	حسین	علی	حسین	علی	حسین

鄱陽集卷七

欽定四庫全書

鄱陽集卷八

宋 彭汝礪 撰

律詩

廣平甸謂北地險至此廣大而平易云初至單于行在其門以蘆泊為藩垣上不去其花以為飾其上謂之羊箔門作山門以木為牌左曰紫府洞右曰桃源洞總謂之蓬萊宮殿曰省方殿其左金冠紫袍而立者數百人間之

多酋豪其右青紫而立者數十人山棚之前
作花檻有桃杏楊柳之類前謂丹墀自丹墀
十步謂之龍墀殿皆設青花氈其階高二三
尺闊三尋縱殺其半由階而登謂之御座

四更起趣廣平朝上下沙陁道路遙洞入桃源花點綴
門橫葦箔草簫條時平主客文何縟地大君臣氣已驕
莫善吾皇能尚德將軍不用霍嫖姚

諸君約歸日

黃金束帶錦貂裘白髮追隨每自羞已見冰澌流碧水
遙知春色滿皇州紅開金谷樓前面綠暗玉津池上頭
衰病到家應稍健為公須醉百金甌

歸期

歸期元約是花時曲指花時定可歸日煖擁雲迎馬首
天寒飄雪點人衣老首淚落不忍別野鵠性靈相近飛
到得歸時春更晚故園桃李正芳菲

沙陀逢正旦使副

踏雪予今濟土河驅車君始入沙陁異鄉邂逅不可得
別酒留連能幾何縹渺飛鴻無限意凋零白草不勝歌
仲玉子開使北小詞有飛鴻白草句到家正是花時節酒飲休辭盃數多

送鄱陽太守

青春一日錦衣還酒上親闡喜動顏靜視浮名雖羽翼
回瞻明德已丘山身留桑梓孤衷結目斷旌麾一淚潛
初仕正憂民事拙願書餘訓起踈頑

又

朝星一夜渡寒江千里瞻依重慨慷荆土定能碑峴首
召南安敢廢甘棠遺恩未散波濤潤令德長餘錦繡香
吟盡肺腸還自惜江湖不似去思長

又

天明下詔寂寥瀆師帥高才得獻臣事出中和民自懌
令捐苛細物長春紅裙涕泣瞻征旆白首驩呼滯去輪
簪紱相先問行色幾時攜節渡江瀨

和程秀才望五老峯

憶步靈芝望翠巒扁舟今入望中山沾濡曉霧仙衣濕
點綴春苔鶴髮班幽谷靜聞寒布落重崖晴見暮雲還
世途正為聲榮困誰伴蒼顏老此間

和謁孝肅祠堂

聲容不見見靈祠眷惜徘徊重嘆咨樵牧萬家歌舊澤
簪紳百拜望英資深圖遂失商霖遠清論空隨海月垂
欲拾緒言嗟未得風流喜讀大夫碑

和李餘干千越亭

溪流可到非千里客夢相望欲十年勝槩昔聞遺老說
樂游今見令君賢月移波影歸珠箔風轉灘聲落綺筵
安得浩歌尋澗曲獨飛綸釣醉霜天

次皇甫登興化水亭韻

簿領終朝困蒸暑危亭一息得微涼草迷幽徑回環綠
花落滄波在處香永夜鶴聲雙唳月清秋松色自凌霜
平生愛樂澄虛地一夢遲留夜未忘

同游獨山

路蹊曲曲上喬峯風物踈踈接遠林攜妓笑無安石樂
愛山喜似晉公心步尋翠石傷荆玉行接幽岩望傅霖
別去幾時重會此欲君無避酒船深

二

獨山亭子山之心萬竹相圍盡翠陰古刹地幽紅日永
懸崖人靜碧雲深輕風細細無朝夕勁節依依自古今
吏役幾嗟詩筆廢興來不惜為君吟

三

城樓日日望霄垠車馬今來訪舊聞寒石萬尋圍翠竹
危峯一點綴青雲洒然自有林泉樂去矣吾非鳥獸羣
安得畫工圖絕致盡收蒼翠寄諸君

四

相期一樽樂共宿獨山青塵土不能汚夢魂還自醒夕
陽登絕徑明月步危亭為我題僧壁炎天此日經

謝公權賜蜀牋

君得奇牋自蜀溪緘封密密寄幽棲香銷翠玉花枝軟

影落青雲鳳翼低書橐一朝豐綺綉詩心半夜振虹霓
報之重愧無瓊玖強拾芻言細細題

次韻答劉行甫同年

江外書來墨未乾笑言可惜礙雲山字無塵蹟精神健
詩有天才態度閒皓月分明生海上仙韶容易落人間
夜深一夢無拘束飛度重湖曉未還

和張侍讀總翠亭

城隅東北起危亭卧棟飛簷控地形萬井不藏平野綠

一湖纔見遠山青春歸會圃低華幄雨歇寒蕪露翠屏

日暮登臨望樓闌誤隨飛鳥下南溟

和館閣諸公游池韻

達士超然獨若遺賦詩行酒似兒嬉一盃相屬非人力
四者難并異昔時高柳去隨波鬪綠啼鶯未與燕為期
春晴豈但羣公樂萬物紛紛總自私

和致遠學士游池

堤外波瀾侵彩霓花間宮殿出高枝風高天矯鳳飛去

雨止蜿蜒龍倒垂早晚烟霞相間雜浮沉魚鳥並游嬉
文王臺沼羣賢至不比山陰祓禊時

又

岸岸垂楊障綠陰時時好鳥轉清音昭回河漢波瀾瀾
方丈蓬萊雨露深到處香烟濃作霧誰家珠翠密成林
爭標想見千人唱聲入青雲畫鼓深

送程給事並次中丞雜端韻

公去江淮今幾年

公陵

守楚及鍾陵皆有遺愛謹謠今日尚紛然恩榮

復擁千兵出課最應當一路先詩字細題幽寺竹酒卮
深泛碧池蓮風流會續蘭亭盛幕府能無竇肇賢

持正率和中丞諸公喜雨詩二首用前韻

滂沱自足慰民憂更洗甌閩四五州聞南嶺等處多盜雷公石滂杜工部詩云得鞭沱洗吳越風入遠林驚海坼水吞平陸看川流禾麻疑
疑私時澤魚鳥欣欣懶所求涼簟飽眠吾亦樂靜窺槐

葉擬開秋

次中丞韻

人家碧瓦照朱丹
縹緲烟濤密
瓊闕一水比隣千里海
萬峯南揖四明山
鳥啼浮水塵埃外
人在青雲道路間
祇恐公歸難久駐
忽忽便捧詔書還

次雜端韻

畫舫參差看欲飛
紛紛車馬壓塵泥
右軍筆墨空蘭渚
安道風流訪剡溪
白首得時歸莫遠
丹心懷國去猶稽
月明會醉蓬萊閣
應笑雲霄自有梯

持正率和諸太一宮詩

上方憂樂共元元祠宇知非泥故言真室轉臨雙闕近
清壇還拱五神尊光輝散燭光華旦動植歸藏厚載坤
旗出荆旆威震疊馬來龍種瑞便蕃溶溶遠水浮仙島
苒苒晴霞近紫垣畫像百靈朝閟宇制名千福徧重門
宮四壁皆有鬼神上制門名皆以承神之休貺為義壺中日永春長在洞口雲深
晝亦昏但祝君王千萬歲人心無以報隆恩

問龔深之疾往復

未識先生病所因調料想亦費精神無人可問維摩疾

顧我徒知管仲貧未肯一經終皓首不應千里漫思尊
藤床卧對爐烟細想岸淵明灑酒巾

二

居士如泡如焰身目前應接亦非神枝辭自己知吾拙
飽學誰能笑子貧午飲頻來同鱠鯉朝薺漫說欲羹蓴
黃昏急雨秋風濕想見青燈一幅巾

三

丈室寬門獨病身一經反覆足怡神漫從方外論空色

笑與人間共賤貧。菊有細花浮楚醴，魚無圓鯽煮吳蓆。
初涼願與厭厭飲，預判荒荒月滿巾。

和上官彥衡齋祠

廊陛紛紛響珮環，半天星月曉班班。
誤瞻宮闈星辰上，疑聽金絲闢里間。
萬國祭祠嚴穀旦，百年文物盛賢關。
奉常固不煩為最，太史徒知詠仰山。
監禮士在秦為奉常御史亦古史官自秦為風憲之任

又

五更欲踏月明還去意遲留馬亦班棟宇參差天左界
綻旒隱約殿中間簡編雅有多聞富杖履清無一事關
俗狀情知煩愛惜更容棲息道家山

祀畢諸公見
留數刻乃歸

出城呈君玉都官

天寒雨氣滿林幽道上風塵擁布裘萬室未堪今日弊
一官敢念此生浮平常素拙公家事夙夜聊分縣尹憂
見說至尊方旰食吾儕何術補涓流

舟中暮雨

騎馬昔由建春去泛舟今自美豐歸水中仙子紅蓮出
物外幽人白鷺飛風起岸頻寒苒苒雨生烟谷細霏霏
吏情轉覺塵埃醜嘆息滄浪屬釣磯

春雨

三月江淮物正新等閒風雨挫芳春狂飄柳色低垂地
暗損花枝自惱人壘畝千家知有望江湖萬里喜通津
鵠原莫放朝華去共約新晴醉綠茵

漁艇寄蓮花

鳥飛池曲冒塵埃
眼看蓮花葉葉開
行李偶隨孤艇出
好風飄寄一枝來
雨中秀色供吟眼
風外清香入酒盃
半夜夢魂生枕簟
神仙無語下陽臺

驟雨

乍喜物情爭發育
無端驟雨欲殘春
閭閻已負游芳意
畎畝猶滋望歲人
厚澤顥顥蘓品彙
微波泛泛漲江津
城頭便好狂吟去
草木青紅襯錦茵

感懷

浪計尋思直徑歸太踈不與世情宜吟成白雪無人問
歌盡清風祇自知是否不能尋物議窮通渾欲付天時
軻雄已矣吾誰適猶有塵編舊訓辭

次張德甫朔雪韻

德甫家在東湖上

朔風吹雪落天涯醉立飛樓四望賒糞壤不知涵潤澤
萬葉無復見纖瑕半宵庭檻光爭曉窮臘園林物自花
誰借一舟湖北岸月明東訪戴生家

梅

金匱月令 卷八
春入園林總不知牆頭初見一梅枝朔風不挫寒冰骨
夜月偏饒白玉姿密意憑容鶯蝶汚英心長與雪霜期
人情願得和羹實無縱羌童把笛吹

睡覺

漏急難留一夢清燈寒相伴寸心明暖薰繡被春風信
寒戰莎階夜雨聲盡曉愁望來竹幄何時錦綉滿花城
病夫不稱詩魔役愁見吟魂續續生

送太守舒郎中赴闕

英謀一發破昏冥道路喝喝側耳聽千里嘯歌趨雨露
百胥姦猾避雷霆閭閻有讓風長暖囹圄無塵草自青
朝罷雍容問民瘼願言康樂上宸庭

二

陋跡遲迴寂寞瀆欲聞高誼嘆無津聲華未及膺門客
揖讓猶皆蜀守民白日忽收千里詔清風長挾萬家春
窮途傾捲陶鈞力吟盡肝腸一慘神

三

解郡西南促去程扁舟西下照江明旌麾益近青雲路
劒佩行朝白玉京勢位久淹猶郡國光華此去即公卿
山林願聽功名起野拙猶能頌治聲

過陶太尉廟

劉石紛紜正憂戈盡心收得晉山河巍巍功業能如此
藉藉浮言意若何風雨舊祠藏石壁丹青遺像落江波
黃昏欲作溪頭釣願丐當時壁上梭

伯兄歸自桐江未至因有作示諸弟

遙思徒馭去江干道路誰何共險艱長使庭闈終日望
不知車馬幾時還佇期笑樂同塵席應有文章慰病顏
酒瓮半空為收拾筮言當見立談間

將歸寄潤之弟

紛紛窮緒不能禁一縷俄驚百萬尋風月正牽相望眼
山川難繫欲歸心蕭條又作新秋意牢落誰同永夜吟
車馬鼎來吾即起夢魂先傍竹亭陰

奉別張伯達先生

強鞭駕蹇逐塵蹤百駕方成跬步功天地有心成草木
蚊蠅無力負衡嵩紛然又見瓜期及晚矣猶思吾道東
一寸古心長自歎依依餘恨滿西風

斷編

斷編塵簡即吾師萬里徘徊得路遲覽照忽驚顏色古
臨空嘆息羽毛衰迂愚未盡田瞿學庸賤空收鮑叔知
安有微波增海曲願因窮臘看松枝

高議

高議軒昂破麗淫清風遺散落塵襟倚山漸識浮雲意
臨水方思太古音無狀欲隨仁義老未完猶怯是非侵
西歸須念津塗惑願丐中庸鏤腹心

牢落

牢落歸來水一隅卧思天闊自煩紆祇知今夕又明日
不覺少年成壯夫禍去不虞堪太息勢臨無脩獨長吁
憂時未有如君老願聽丹囊上禁塗

王太博自浮梁移蒙州作送之

平時沉伏草萊間見說昌江治政賢愛淡羽毛人自畏
君為浮梁有水鷗雙棲縣廷之南詩成金玉俗爭傳一麾出守今行矣

萬室傾思正慘然祗恐又庸明詔去蒙山無計重留連

送周掾赴闕

白駒一擲起塵埃紫鳳高騫出草萊盛德日隨流水遠
清聲時逐好風來百年正屬文明際萬事猶須幹濟才
薦牘幾多聞九極寵章何日下三台

寄伯兄兼問子文

富貴浪圖雖汨汨詩書餘力尚桓桓聖門一室相從易
世路多岐欲合難儀鳳穩依深閣宿老蛟寒即碧溪蟠
青雲有侶歌魚藻空谷無朋唱考槃緣木退藏翀漢翼
扁舟歸整釣鰲竿臨風願聽王陽仕洗手思彈貢禹冠

又

壯志當年欲請纓孤蹤今日尚飄萍塵埃易染羈容黑
氣義難邀俗眼青馮客劖寒長自擊伯牙絃古欲誰聽
風雲勇膽馳燕塞社稷丹心望漢庭思入鵠原愁四散

夢馳鶯谷涕雙零客悰顧託詩情見吟盡清宵卒未醒

送子文赴闈

槿花時態甘相失金玉交情喜獨親慷慨有心探虎穴
遭迴無計附龍鱗君方奮翼青冥上我即潛舟寂寞濱
從事功名有餘力勉為書寄考槃人

寄潤之弟兼附呈伯兄

一棹孤舟接杳冥無聊長恨別離輕利名汨汨亂人意
南北悠悠分我情風觸鵠鵠寒影散日蒙棠棣綠陰成

莫令澤國頻回首時倩江鱗寄一聲

二

江外如今獨轉蓬思君不敢望飛鴻寸心引逐征雲北
孤夢爭先落葉東卧病此時千里隔微吟何日一樽同
却嗟逐客為羈客還見春風換朔風

三

風規落落已非俗氣宇堂堂知有才安得驛歸道路
不甘梗梓滯蒿萊青陽路逕新萌柳白雪林亭欲放梅

顧逐羽翰歸故國相從歌酒趣春來

東流道遇伯兄西歸寄二篇

君棲京國我天涯病眼相望淚滿衣邂逅得為千里會
倉皇不及一言歸窮通固屬時之遇取舍猶慙議者非
未得寵光榮里落久行猶足慰庭闈

又

久雨泥溼惡春風草木花相逢一笑樂欲去百咨嗟何
日定行役此時應到家平居傾望意汗漫正無涯

喜文淵登第因寄二篇

春風吹詔落天涯喜聽君榮及盛時桂籍功名知自取
雲臺事業舊相期駢驥有力爭千里燕雀無才寄一枝
士稚果能先越石蘓秦應欲憤張儀

又

十年共力詩書學萬里相期將相科白屋自知難掩抑
青衫聊得慰蹉跎寵榮未有如君早衰病爭加若我何
燈下無人知此意獨鳴寒劍一悲歌

喜擇之子文至桐江次伯兄韻

病夫憔悴浙江邊誰惻窮途舊橐單尺素不聞傾塞鴈
扁舟未至望沙灘羈栖久客情無賴邂逅相逢意倍歡
幽夜冥冥思取火與君同取白榆鑽

聞庭佐不安因馳歸

山居傾倦舊朋儔日落原頭望不收奴僕忽來傳汝病
信音不寄使人愁羈懷縷縷無窮盡歸意飛飛可滯留
一舍道途千里遠那堪風雨重衣裘

自東流歸

久鬱圭蓬困不勝狂游天地眼雙明行逢梅浦不能去
步接松林無限清風雨寂寥知物意山川崎曲見人情
愁悰觸物絲無寄喜聽村爐賣酒聲

東流道中作

輕快飛輿出古城蟠迂行徑轉沙汀鷺鷀映日露纏翅
鴻鵠鬪風開雪翎水瘦不藏寒石綠雲歸纔見遠峯青
苦憐野色溪光好倍覺詩魂酒魄醒

喜徐景宗秀才至

久客羈栖正無賴故人邂逅一相逢紅泥綠酒方沉醉
白雪清吟未歇從昏翳忽收塵耳目懽欣爭入病顏容
秋風且醉江山碧莫縱離愁到客悰

元祐三年同深之學士子開侍郎在初考今復
承乏有懷舊游因作此詩并幕次唱酬二章
寄呈深之學士子開侍郎

集英今日事全似戊辰春文彩窺多士游從憶故人抗

旌游海角深之奉使時在兩浙
時在兩浙艤棹即河濱子開被召帥高陽來矣試作詩
相寄詩成更損神

又

數燭知歸日殿試日賜燭一條歐陽學士戲云數燭知歸日矣思家似老人忠

公詩云人老此凡三鎖宿某自元祐初迄今思家甚少年此凡三為殿試官今復一經

旬猛著暴銷日深憑酒送春蕭條雙短鬢半夜總如銀

和致遠學士韻

落筆千人畏揮談一坐傾竹林冬更好星斗夜深明愛

古情何遠憂時氣未平老人無見解祇願酒頻行

十四弟得書承已次東流赴省試因寄小詩呈

推官承務弟

恰見蜘蛛喜便知鴻鴈來大波窺洶湧遙岫見崔嵬懷
土心欲折折書先眼開繫舟龍化處亭子舊名雷東流江岸

有雷亭

雲蓋老僧八十二

邂逅還相見懸勤復自陳三千大千界八十二年人衲

衣雲水舊頭鬢雪霜新手種庭前栢如今大似身

雲居相送至下杉莊

莫宿昏初黑晨裝曉已分鷄啼江上月犬吠嶺邊雲好去龐居士善來洪上人臨行須一勘臘後幾時春洪侍者從

行

昨日陪深之學士飯淨因登羅漢閣期致遠不

至憶山陰弟各賦一首遂寄二君

丹鳳禁城近青鴛寶閣開九天瞻佛日萬國在春臺東

觀人何處山陰弟未來飛雲來自在相望興悠哉

宿金鈎

絕域三千里窮村五七家雲深無去鴈日暮有棲鴉霧擁雲垂野霜連月在沙夜長無復寐寂寞聽寒笳

惠州

城壘四五尺閭閻千百家朝塵疑作雨暮雪欲飛花舊寺僧何在空堂鬼自邪三更愁不寐相笑是皇華

二

霧暗山千疊水寒水一涯風高天作雪日晚露迷沙居士身如夢行人驛是家青燈無意繙點點自成花

三

絕域冬猶暖孤村日易斜浮雲點晴漢幽鳥篆平沙白草單于壘青燈渤海家夜蟾無定處流轉共天涯

途中見接伴曰三得家書因作是詩寄候

誰似老胡喜一朝三得書去家常念汝觸事獨愁予水凍魚全少天寒鴈更踈三冬多壅熱安否比何如

金少川集 卷八
長垣路中

欲作圖南翼却乘之北轍百年隨所值萬事擬無言短
髮霜如白孤心葉自翻夜深何許夢雙闕九重闇

又

身似水中木險夷惟所遭不堪謗拙速可復嘆賢勞雨
脚三冬少塵頭一丈高故鄉何處是南望首重搔

送熊次道

去入紅蓮幕來儀振鶯庭又辭元潤澤才力更精靈須

作晚成器擬看新發硎綵衣長暇日多聚讀書螢

天保弟被薦繼得子因寄是詩

鴈足書何速燈花喜更頻桂攀天上近珠入掌中新驥種仍多子龍標又得人賀觴俱見在留待禁城春

和瑛師

澤國春初好江城雨易昏繫舟林下寺步牒水邊村法悅長如此詩情剩欲論歸心師莫問一旆正翻翻

和通判承議

水邊人不到吾與子同行始見游魚樂時聞幽鳥聲山
如仁者靜風是聖之清擬買扁舟去江湖老此生

南安道中

南安窮且僻况復阻凶飢破屋人何在空山鳥自歸兒
童多素韞婦女祇青衣好雨兆豐歲斯民其庶幾

癸未偕子中都官文淵節推游東湖分題和子

中湖字韻

泛泛林邊晚扁舟憶五湖丹青難作賦水墨好為圖龍

蟄雲長在霜寒草自枯詩翁足幽興瀟灑在蓬壺

和文淵同字韻

湖上多佳致清樽况不空樂游今日並幽思幾人同苒苒
芟艾荷雨簫蕭蘆葦風南州人不見流水自無窮

送寧和仲

玉粒稻初熟霜螯蟹正肥薄言酌我酒耶以送君歸疊
翠屏疑畫凌空鳳欲飛山前猿與鶴最識舊征衣

和君宜弟詩韻蘄州所寄

棠棣花開處衡陽鴈去過一作時封題開遠信涕淚裏新

詩知道頻嗟晚謀田更恨遲去留君莫問方寸正如絲

有感

往復何為者功名安在哉茅心迷簿領蓬鬢老塵埃魚
蠹生書帙蛛絲在酒盃淵明緣底事苦死賦歸來

溪上

濯髮溪頭水披衣林際風低枝折楊柳高葉蔭梧桐魚
躍浮萍上鳥啼幽谷中清涼仍各有彼此一無窮

君宜得種茶詩予和韻

始傍東園種初從北苑移本根原自好造化總無私紫
笋時名誤烏程舊種卑酪奴吾不問酒聖爾何為

病中

富貴來何晚窮愁固有餘病多皇甫謐貧甚馬相如思
亂詩魂散憂深酒興疎此心無可奈徒爾重欷歔

病起

失意憂多病予今喜少痊寢興今泰矣容質尚蒼然鬱

抑丹心塞紛紜萬慮聞此情無可奈整頓賴詩篇

醉極有感

飲極人之樂余心反自傷氣因人憤激情與酒飛颺淚
落侵雙鬢愁多鬢寸腸空贏山簡醉不似樂天狂

小徑

南北通官道東西隘亂山無時輪迹道經雨蘚痕斑世
路同欹側人心共險艱亟由平易去寧苦險巇間

日暮

人去紅塵息林幽晚意清秋陽紅旆亂夕靄翠紳橫新
月淡無色微風寒有聲此吟猶未竟城吏已嚴更

嘆交

兒童不可近况復與之親薤露不終刻松風知幾春
嚙徒滿目切切竟何人誦罷鶯鳴詠空餘涕滿巾

陳秀才擴因旬休不至以詩呼之

寂寂碧窗下業同詩酒歡睽違纔一日恨悵已千端無
忽離羣異須矜會友難相望正展轉行矣莫盤桓

題揚州因大師小池

閨寂黃金字清冷碧玉池軒楹收冷淡松竹讓幽奇岸
蹙源流淺山陰月到遲未能活魚鰲安可卧蛟螭

題袁州紫翠軒

黯淡襟橫野迢遙面古城丹青難盡意紫翠漫為名山
石開新雨溪楓照晚晴杖藜饒縱目談笑不無情

寄庭佐弟

願我今黃髮嗟君亦白頭讀書少不競從士老堪羞陋

巷曷其樂首陽何所求一塵如好在聊欲與君謀

又

幸免羹魚腹更難騎虎頭少狂真忍耻老退似包羞蓬
葦逕非遠桑麻田可求浮生一箭速火急為兄謀

江上

柳翠蘆尤碧楓殷蓼更紅金波連夕照玉浪起秋風霄
漢雙飛鳥波瀾一釣蓬江湖如許景總合付詩翁

伏承寵示滕王閣佳句因用前韻

滕王帝子閣徐孺聘君亭南浦水秋漲東湖雲晝冥江
山晴更碧松檜雪逾青安得泛舟去與君同醉醒

送和仲

心因行已老事更與心違惡景多離合浮生半是非愁
聞南浦鴈夢采北山薇昨日見之子問予胡不歸

詩示庭佐弟

世味祇如此消憂奚所娛心煩多久一作惡酒眼病頓捐
書倦倚筇枝竹寒圍木火爐公寧機械廢我拙笑公愚

夜坐謹成小詩呈晦堂心老

脩鍊清徹骨幹旋幽入神寸絲縛九虎一指掛三鈞丈
室夜忽旦寒崖冬自春師乎何所命學佛亦非人

和題真相院

山色隨行止溪聲滿見聞燈花秋寂淡香火夜氣氤野
色迷修竹厨烟長白雲大夫材力健故寵寺僧慙

和題淨慈寺

已失禪關治空嚴古殿尊佛香塵草莽僧飯飽魚豚萬

竹藏秋色豐碑落燒痕廢興俱物鑑誰似語公孫

道中時有山水之遇因用林字韻

我今倦塵土邂逅得幽林雲外千山色溪邊萬竹陰還憎俗吏態稍快野夫心世事非樽酒天寒不自禁

寄公權

靈源起幽谷蕭灑與秋宜世事有窮處泉聲無盡時流沾一山足澤入萬田滋祇恐明朝別清風到夢思

欲雨

車馬冒蒸暑道途傷久晴雲生蜀山靜風度遠秋清白
蟻紛紛鬪鳴鳩在在鳴微陰知雨意失意問農畊

薄荷

神農取辛苦病客愛清新寂淡花無色虛涼藥有神煩
心浸冰雪眩目失埃塵自是芝蘭臭非同草木春



鄱陽集卷八

欽定四庫全書

集部

鄱陽集卷十九

詳校官庶吉士臣范逢恩

檢討臣何思鈞覆勘

總校官編修臣王熙緒

校對官助教臣卜維吉

謄錄監生臣張同履

欽定四庫全書

鄱陽集卷九

宋 彭汝礪 撰

律詩

寄
鄒治丞同赴京師

馬上梅曾賦林邊酒記賒乾坤新帝業山野舊人家自昔餘篇輸經春五歲華詩成血雁寄一夢入天涯

春秋成字韻

鳳鳥知何處麟經卒告成人人無義戰歲歲有王正秦

楚空強力桓文漫主盟是非微旨在終始願深明

二

法為衰周起文因舊史成有權皆反正無事亦書正泣
血葵丘會傷心首止盟三家自螢爝未助太陽明

三

聖念周邦弱經因魯史成尊王常謹始罪隱不書正弗
義嗟頻戰無常嘆屢盟幽微今煥若寧復比丘明

四

賞罰陵遲久春秋筆削成稱人譏楚僭書月謹周正國
國強并弱時時會復盟前賢褒貶在一覽是非明

和深父傷字韻

鄭棄非人棄梁亡只自亡危機交弊弱血刃第爭強恃
力雖干國推尊獨一王衰微今已往掩卷益增傷

二

前史權衡在當時法度亡力扶周室弱深抑楚人强言
戰嗟無義書元示有王細推褒貶意掩卷一悲傷

三

戰伐周綱替春秋據已亡綴旒憂主弱問鼎嘆臣強蕭
斧懲當世著通鑑後王最憐君學苦能為古人傷

四

春秋二百戰一一叙興亡書戰皆非義稱人亦貶強臨
文常抑楚謹始必尊王窮究當時事應須發感傷

深父學士示易詩四首某輒和韻

學易非吾敢渡駕亦勉旃冥心二篇策皓首一韋編憂

患生拘羑幾微續草玄相期須畛域慎勿泥蹄筌

二

大易誠微矣吾門敢舍旃文雖重舊旨孔亦斷殘編道遠為功駿言微蓄意玄江魚如可得朝夕自忘筌

三

聖意藏羲易人心勿舍旃玩爻知上古經火嘆遺編六畫功誠簡三才道亦玄兄今微大過默默識真筌

四

易道更三古愚心願勉旃研幾甘白首窮理自黃編西
伯文于繇揚雄準以玄意先言象得從此捨魚筌

毛詩

美刺詩之奧予今得所歸議收天地遠心到聖賢微雅
頌藏興廢蟲魚隱是非篇章三百五一數珠璣

二

古詩皆有托正道豈無歸風雅收功遠絃歌得趣微王
劉終少是毛鄭亦多非儒氏潛深愛篇篇盡玉璣

三

周魯詩三百篇篇自有歸人心散煙鬱物意露幽微原本今無復風華比益非遁人不知採空此綴明璣

題寄晏無黨少府

身逐塵埃際心迷道路間無聊常臥病未老已衰顏竟日千憂結何時一息閒空勞中夜夢繞盡夕陽闌

和章承議通判來章

近水班荆坐緣山拄杖行雲烟窺勝概風雨聽寒聲久

累維摩病多慙衛玠清波瀾終未息袞袞共勞生

問侗

知現維摩病莫淫皇甫書去歸吾未可調治爾何如眼
忌時時拭頭便日日梳首先懲忿怒次第學呵噓

雲蓋寺詩

并序

唐淨圓禪師初自石霜來得乳蘿洞喜之將
宅焉初至蛇虺塞路矯然怒視師師以法語
告蛇引去既宿而斃師為焚之且視無遺燼

有三水焉左者黑右者清中者白師既築室
從之者如歸市逮今遂為名刹

舊日蛇虺穴今時薈葡萄寒泉三井舊高閣五峰深翠
竹娟娟老長松漠漠陰鳳凰池好在誰得老師心

漁家

小徑通山塢扁舟宿釣磯兒童汲水上婦女背樵歸臘
月魚蝦足豐年鷄鴨肥是非人世事應不到柴扉

道中

湖天冬不雪山地晚多風岸草猶全綠村花或自紅差
池歲聿莫寂寞雨其濛南北隨蓬轉浮生旅寓中

馬上讀書寄君時

夜秣駿駿馬晨脂繹繹車更行猶挾策漸老欲捐書漫
意窺原委非工辨魯魚相知今亦少舍汝更誰歟

二

獨自鞭駕馬誰何借後車浮雲看富貴陳迹泥詩書畫
虎豈類狗忘筌在得魚田園須稍葺吾與汝歸歟

某聞老母到葉未得平安家書作小詩寄君時

弟

慈闇聞及葉坐待到天明望月魂先往聞更夢不成花
開燈有信書少雁無情欲往終多畏運雷嘆此生

和念一弟詩韻

事如車轉軸日夜不曾周固各有分定疑皆非本謀能
鳴君似雁不繫我為舟擾擾膠膠者憐渠不自由

內鄉招提寺

淫雨宿蕭寺白雲思楚山病催顏色老淚裏鬢毛斑流
水終何事飛禽倦未還夢歸無別處就鶯嶺鳳林闕

春陰呈兄長

春陰祇欲睡世事固相尋薄領龜官意庶以故國心風
吹花點點雨壓柳陰陰幾日城頭步乾坤共醉吟

二

春容猛狼藉暑意已侵尋寂寞悲時事淒涼上客心鶯
飛啼野色蝶戲落花陰喜有城隅望乘風聽苦吟

三

花開初熟醉月上夜微吟志節傷時序詩書愛寸陰未忘他日意無用此時心更約藏舟步餘芳尚可尋

途中早起寄兄弟

為惜庭闈別方驚道路難醉憐山月古病怯野風寒駐馬詢農耜臨溪問釣竿新詩如有得寫染寄歸翰

和巖夫如字韻

霆聲破幽鬱雨點散空虛日夕分長短陰陽競慘舒柳

絲吹細細花序落疎疎試望孤城遠江山畫不如

送嚴夫庭佐歸寧

花滿春來路雲歸雨後天紅塵一馬去白日寸肝懸秀色
歌棠棣歸心聽杜鵑東風吹眼尾客淚滴涓涓

二

春雨傷行色秋風問後期欲吟黃鳥意更遺白華詩客路
看山色親暉有夢思遙知到家日正好采蓴絲

武岡驛

破屋山間驛。窮閭溪上村。雲山能近郭。池水故當門。
氣象生詩筆。波瀾動酒尊。夜長歸夢遠。憑爾與招魂。

驛前人家小池

黃茅前驛路。闇淡小池園。春近花林好。日斜鳧鴨喧。暝
雲寒冉冉。月夜翻翻莫笑村居僻。誰如拙養尊。

武陽寨聞峒中作樂

成康已措刑。文景不言兵。夷俗家家曲。蠻歌處處聲。長
腰筒拍鼓。細竹葫蘆笙。物意惟安樂。人間共一情。
長一
鑑笛

二尺孔疎其聲下而清簡拍鼓長四五尺以帛係于肩而拍其下葫蘆笙葫音鶴以十竹為戶其聲不可復辨

武陽寨見村中梅花

茅屋蠻溪路梅花亦自開雪深憂思遠風靜暗香來故國春何似孤城興遠哉晚風吹片片恣意點蒼苔

寄二弟時在白彪莊

攜篋戴星去荷鋤衝雨行隄防詢故老銌父倚新甿移竹三千箇添松一萬莖但能逃凍餓吾不慕公卿

二

伊尹初耕野兒寬自帶經故須聊假手無或甚勞形曲
曲水如帶峩峩山似屏夜應吟更老不負讀書聲

催君時歸并寄君宣弟

命彼僕夫駕晨雞初一聲朔風不可渡南徑却堪行貧
莫甚今日瘦無如爾兄故慙魚得計最愛雁能鳴

二

三復棣華賦俛焉懷古風少時貪壯決老去自童蒙以
病故有病既空何用空不須多問此萬劫剎那中

和君時弟

老馬青驄色扁舟畫鷁文長烟橫作帶疊浪似成紋北
嶺夜收雨南岡朝出雲賦詩知有意畎畝不忘君

答君時弟

墳篋與鴻雁一氣更同聲鼓則與桴應形惟從影行無
如我宜弟頗笑爾難兄洵美歌棠棣仍須聽鶴鳴

二

墳篋無俗韻鴻雁有秋聲更類偲偲友非同踽踽行愛

無踰玉季名有愧龍兄莫作升堂賦相期以道鳴

三

夢覺山頭月歸來湖面風遠林寒寂寂幽徑曉蒙蒙反哺烏鳴屋成行雁貼空物情緣底事祇欲攬予中

四

是露復是電非鈴亦非風應作如是解無為彼所蒙世累不見累真空亦非空欲知如是意不在內外中

和子忠弟見寄元韻

詩書非不樂富貴竟何加歲月流年晚山川行路賒學
須千古到行畏一毫差閭闕相期遠寧惟勉免且來詩

云相

期効
免且

和運幹奉議見贈元韻

沈碑萬山脚騎馬習池頭元凱亦過慮山公聊自謀青
烟鹿門淨黃竹鳳林秋興廢不可問登臨徒百憂

離武陽寨

山谷多時雨乾坤昨夜晴經年淹壞舍破曉出邊城青

女吹風急常娥伴月明人間春到久寂寞壯心驚

和君時弟洗竹

斬伐奚傷性繁枝漫作陰靜留朝日暖寒聚晚烟深葉
有禽棲息根無蟻蠹侵龍孫今轉盛終待鳳皇音

和君時弟有感

鬢髮非蓬草秋來亦自衰簡書公迫促歲月細推移見
客簪裳懶登樓杖履遲故園松菊在歸計定何時

和君時弟生辰時八月十四日也

牛首作

月行正幾望露潤欲為霜箕斗能符契桑蓬可感傷少時材獨出老去德方將看取華亭鶴何嫌髮鬢蒼

示君時弟刈禾有感

牛首作

終朝風且息

自秋初多大風比稍息

五日雨奚妨白嫩禾先老黃

花菊擬香大夫誇作賦公子恨無裳曷日同舟去白鹿

池水陽

白嫩江南禾種名黃

示君時弟

牛首作

天寒雲不散決漭路猶迷烏雀飽棲屋蒼鷹飢啄泥樂

耕莘氏膝敬鑑冀人妻山色碧千仞願同君子躋

承和途中四韻

此身俱是客何處合為鄉雨後春山好天晴晝日長三年穰下郡一信赫陂陽鴻雁非中澤鳴鳩祇在桑褚陽方城也

和君時寄叔韻

屈首隨溫煖低頭避謹呵靈根無挺拔古鑑少揩磨故里三千遠浮生四十過漢江魚不少書寄莫嫌多

和致政侍郎書懷因寄贈侍親及鄧以中使計
會刻刷軍器改途先之唐因寄是詩

霧露星輶濕塵埃羽檄馳君王非好武天下合防危樂
事難并合浮生易別離賴知春好在五日與君期

桃李

南陽多桃李寂寞自成蹊白雪千林潤紅雲一片低人
非劉氏子路近武陵溪故國春相似瞻觀處處迷

老馬

今日衰翁馬當時御史驄少嘗更險阻老更識西東力
憚馳驅遠恩從莖秣豐不應思伯樂未便誤桓公

送和仲

遠宦無情思君來慰病容棣華開韁韁鳴雁去雖雖天
上張公子雲間陸士龍聖門多聞奧更願與君從

病起

抱疾漳濱久衰顏一倍增髮疎簪不穩足蹇杖難憑身
病他何欲家貧去不能世緣知不早今日似纏藤

送君時

未曉乾坤大能容此地翻連雲障飛翼穴石聚遺根藍
縷誰家子奔忙幾處村焉知神聖意飢渴念元元

和君玉捕蝗雜詠

草木經春老牛羊薄晚歸水痕長淡薄花片巧霏微感
物愁盈斛勞形帶緩圍利名勞有此今日已知非

二

澤畔行蕭洒山邊宿寂寥烟塵牽永日風月自澄霄水

早憂千里農桑念七條君材知有待歸夢莫迢迢

三

燕拂低枝出鶯尋接葉藏地平山影薄溪急水聲長零
露濕人鬢飄風吹我裳道邊花更好還亦似河陽

四

南北驅之既東西長又多已知蠧人力母亦滲天和號
令趨風雨鞭笞畏網羅相看愁欲死恐未及驩歌

五

馬病風塵裏人疲薄領間旱枯憂澤竭汗決怨風慳時
雨恩終厚驕陽勢苦頑降真香一炷百拜望南山

小飲次幕長晦之韻並簡王路分

小飲支風色清言慰客襟早鶻寒獨出雲影淡無心短
日催冬至長更報夜深幾時辱車轍重約盍勿簪

次德甫韻

露染黃柑熟霜添紫蟹肥天真俱自得世路偶相依飲
數初憂病歡成復忘歸醉吟侵夜色星月淨輝輝

游泰寧因登衆樂亭望仙閣賦詩得同字韻

久雨生新水初秋足好風柳枝低嫩碧蓮萼落輕紅萬
室游從樂何年綈構功高材終不俗會與衆人同

和嚴夫花字韻

幽亭隔世路高閣見天涯綠散林邊葉紅生水上花人
歸越溪鷺僧進壑源茶可念詩翁物都歸野叟家

試諸葛生筆因書所懷寄諸弟

臘雪催寒盡春風送暖微浪為青綬繫愁望白雲飛塵

事朝朝在鄉心夜夜歸歲時如故國憶戲老萊衣

二

塵土千鄉濶風波一宦微雲中鴻雁去原上鶴鵠飛終日青樓望何時畫鷁歸作詩聊自遣還欲淚沾衣

三

後生戒輕侮初學慎嬉游親膝今霜鬢家風紙布裘詩書起門戶文字取公侯十上才猶拙知音為汝憂

四

自別番江夜還移楚水春
寄聲何草草流誨已諄諄世
路文章貴人生手足親杜詩賈馬賦數數寄魚鱗

五

寄聲王與蔡安否比何如
迢遞身難接淹延歲又除
顏淵一簞食惠子五車書
勉就先生學文章或起予

六

最憶東林檜婆娑一檻陰
寒枝生自好細葉長還深記
憶花香近憂虞草蠶侵弟兄
勤愛惜留慰百年心

七

最憶東林竹蕭疏入夢魂秋枝餘鳳實春逕長龍孫聲
轉晨風細陰生夜月繁幾時歸袂接爛熟醉芳樽

八

長憶東林橘秋深箇箇貢青雲衆星聚碧海萬枝勝染
露光相照經霜味十全能將洞庭種分寄楚江邊

九

每憶東林菊秋風一萬枝盡饒春卉盛不為曉霜衰故

國三年別高朋九日期籬邊自開落熟醉負金卮

十

最憶東林好真珠細細花滄溟分瑞色蓬華見春華雨
壓纖枝轉風吹小葉斜化工纖巧甚無怪世情奢

十一

最憶東林景占春見早梅仙花自瀟洒雅思不塵埃却
恐隨風散長疑帶雪開淮濱終少有驛使亦能來

十二

最憶東林勝花間舊種橙龍珠相照應鵠殼未飛鳴香
臭先羣衆龍光望太清良庖不遐棄亦足効和羹

十三

最憶東林側花開季季同豈無十日好長占四時紅愛
玩迷光景偏私見化工可嗟桃李盛榮落獨春風

十四

鴨脚東林畔慈親手自裁取心俱有實視表獨非材白
玉成千粒紅紗寄百枚江南春去早花復幾時開

十五

棠棣東林秀紛紛近北堂池荷羞葉綠籬離菊釀花黃
裊風前態飄飄雨後香讀書憶兄弟迴首淚千行

十六

二月東林勝千花貴牡丹笑迎春日煖困怯曉風寒仙
子迷蓬島貧家富綺紈詠思魂欲斷誰寄畫圖看

十七

榴結東林秀維揚得此裁春風百花落暑雨數苞開轉

影臨粧鏡飛香上酒盃江淮千里遠安得一枝來

十八

見說東林地盆池近種蓮清風生綠水酷日冒炎天物外無雙格花中第一仙即今春已到應復葉田田

十九

吾憶東林北庭前巧作山乍晴風苒苒久雨鮮斑斑漁釣滄洲靜樵歌白日閒蓬瀛仙世界容易落人間

二十

吾愛東林靜幽亭學結茅風雲生石谷烟霧接林梢短
檻仙禽宿疎櫺乳燕巢更無塵俗到瀟洒似寒郊

又憶東林

夫君自南國有信寄西風天上曾攀桂江邊復轉蓬試
為千里約敢慍一囊空相望看明月高秋復在中

初夏詠

簿領紛相壓塵埃懶未堪輕陰人割麥微雨客憂驕
水荷衣薄迎風柳鬢鬢微吟聊自釋一夢滿江南

圍鑪分題得書屏

巧製方還曲黃編卷復舒廢興千古意窮達一屏書光
素侵殘雪塵埃拂蠹魚麗官久不用慎勿怨相疎

和潤之硯水

晨風凝不散硯石凍初成翠失蒼龍骨寒餘一鑑清纖
毫隔冰雪寶墨妬瑤瓊莫近朝陽暖留看夜月明

和庭佐酒船

紅錦圍歌席黃金飾酒船興撩江外客香忤飲中仙憂

慮無風雨歡娛揖聖賢空餘中夕夢一棹倚江天

端午

日上天心直風生水檻寒羈窮念時節草次具盤餐買藥知衰病開樽得小歡醉懷江國味撥棹倚江干

禱雨

萬物紛紛出驕陽苦蠹侵盛衰占物理憂樂念人心又作祇園禱誰為傳說霖無誠動幽隱子細卜山禽

宿鄧橋

一舍山頭路數家溪上村泥塗淹白晝
風月宿黃昏松
徑築簧雜蛙池鼓吹喧寂寥無酒興迢遞有歸魂

和子堅同游東湖游字韻

小徑行幽草回塘汎杪秋風波魚自樂
芹藻雁同遊暇日容攜酒晴天好放舟夕陽歸旆晚更向水邊留

次芸叟韻

雪霜歸漢塞星露近蘓天金錯千兵甲
花園五馬羈春從今夜好月勝別時圓
頗笑荆溪老猶談般若禪

水軒晝寢

曉步迎晨旭，昏歸踏暮鐘。
簿書分意思，塵土病顏容。
隔岸柳陰細，侵簾波影重。
諸公惜駕塞，一息養疎慵。

暮宿驛舍

別袂風輕動離裝，雨薄沾斷霞。
孤鶩落新月，一眉纖鳥羽。
棲幽徑，蛩聲滿畫簾。
稍羸詩思健，還覺旅魂添。

磁州

初聞神鐵語，舊記滏陽名。
取鐵治自三代以來，取之然日，取日生故人以為神在滏

水之地擅磁毛富時無石鼓聲磁出磁毛石鼓時有兵革則鳴夕陽神

武家秋水武安城嘆息彼之子奚為竭角爭

雪後會仙洞

座見會仙石逕觀羣玉峰寒聲無近水幽徑旋移松晚
日烟霞雜歸雲粉黛重天寒宜飲酒衰疾每相容

接伴太傅離新館其兄迓于途

使者乘輶至將軍走馬迎侏離何所語踴躍不勝情寓
目鴻雁澤傷心杕杜行天平非有間我老獨無兄

和濟叔兄書齋言志一首

譙處重尋舊淹留怪此身是非方背俗趨向且依仁講論青瑤重文章白日新材謀強訓練機務默經綸抱策期寧漢潛輝豈避秦幽靡重蘚跡永巷絕車轔與城爭先到夷途約荐臻方從三友益肯顧一瓢貧學以充吾志思期惠爾民如何迷要路未得泛通津雖謂神龍屈寧慚尺蠖伸廟堂方致理巖穴肯遺人自顧蓬蒿跡終非草莽臣佇期攜素業相與奉嚴宸執已清成雪謀邦

銳應斤力求三代治追復在昌辰

倒押前韻

幽齋置圖史相與樂清辰世路寬轡
勒心茅得斧斤圭蓬思魏闕寤寐想楓宸
困阨孟東野羈窮朱買臣惠時空有策
知已尚無人跡退心猶銳時窮道益伸鳳潛
傾帝閣龍蟄望天津業負青雲器寧期白屋
民第增材德富休笑室家貧華戶此時隱金門
異日臻世途雖晏晏邊寇尚轔轔邂逅得歸漢
箴規當借秦安危歸指畫可

否屬經綸力振朝綱弊期增治具新致君儒者事康世
士之仁蕡極符亨矣無羞因辱身

勉友人張生一首

羣英偕奮迅夫子尚埃塵羣負青雲器淹留白屋身孟
軻雖欲仕原憲固安貧甚矣逢時晚歸與樂道真林泉
遯華耀詩酒毓精神天子真明主朝家況盛辰忍令伊
尹輩終老止耕莘

次儀父春日草韻一首

一室浮塵外重門翠嶺拗愧非南土秀輒繼竹林交共
喜逢佳節狂游過碧郊綠垂溪柳線紅舞野花梢歷亂
禽相語羊草草漸包賞心須載酒席地不誅茆野眺幽
歡入羈窮舊恨拋川原真勝境雞黍亦嘉餚清唱溪泉
激虛談珮玉敲醉腸波浩蕩銳氣虎勃然天子今堯舜
吾門豈許巢亨途行決矣何必俟占爻

上劉推官一首

盛旦登高第青衫偃壯圖蘭臺收碩德蓮憮得真儒江

左風流敝鄱陽習俗汚晨昏叢獄訟利病倚謀謨郡政
頽綱整都民舊瘼蘊英聲傳士庶清議滿江湖事業人
之表機籌帝所需大臣交薦擢榮召計須臾有客材無
似謀身計大迂志憎時態薄道欲古人俱寓跡文章苑
棲魂典籍郛傾螺思測海擿埴強求塗不見孔之卓安
知柴也愚鴛蹤誰警策弱質寡持扶與物睽違甚惟公
顧盼殊滯頑真瓦礫拂拭過璠璵陋學慙無狀浮名出
不虞見知雖鮑叔蒙遇豈夷吾朽木依刀尺堅金屬範

模會須終盛賜俾得望亨衢

夜泊睦州桐江

一水連銀漢千山擁古城客乘清夜息舟倚碧溪橫皓
月危峰影清風細浪聲噏亞殊俗語慙淡異鄉情途旅
淹時月羈窮獨弟兄剛腸雙古劍蕩跡一流萍道路人
皆厭風波我亦驚胡為甘險阻所得喜豪英俗眼無相
笑吾非逐利名

昔在橫港西山與張季友儀父游相別各數年

矣今冬邂逅于此相與飲酒道故舊甚樂因各為詩以見所懷

久別西山夜每懷橫水春珪璋元自合手足更相親頗笑曾參魯尤知管仲貧酒行修水石詩就寫松筠薄宦分南北浮生共屈伸往來俱日月出入見參辰驛騎歸何晚郵書寄稍頻離羣初會面詰別故傷神束縛隨時世低徊喪本真點衣塵上舊侵鬢雪霜新蝴蝶南華夢芭蕉居士身幾時江海去相看老垂綸

送葉憲

棠棣榮何盛，皇華節更尊。
雨深鴻雁澤，春滿脊令原。
錫康侯馬重，吹伯氏壠從。
來公愷悌獄訟看，平反

老大愁相別，紛紛鬢欲斑。
雨封明月峽，水礙白鹽山。
迢遞看持節，逡巡聽賜環。
西江如箭急，數寄尺書還。

秋日吟二首呈諸友時在合肥作

綠髮猶年少，衰顏苦病多。
陰寒傷物色，淫雨蠹天和。
盃酒開寥落，靈蓍問輒訛。
頭髮亂欹側，齒音訛冉冉。

時難得紛紛日易蹉荆蒿太狼藉圭角未消磨廢棄今
如此云為竟若何嗟傷仁者遠幸望故人過臘意生幽
徑春心漾綠波幾時樽俎共爛醉聽清歌

二

露下風高頭髮凋愆陽不雨肺肝焦短窗竟日添憔悴
座榻無人問寂寥點綴詩篇空夜夜封題藥裹自朝朝
重雲冉冉蓬瀛隔步武相忘萬里遙

在合肥幕中有作

幕府開雄盛羽游望俊髦雙松鬪冰雪一鶴出蓬蒿春
雨吟花帶秋霜擘蟹螯山川留翰墨天地入風騷感慨
驚多變微生病一號酒卮餘寂淡詩筆惠英豪憂思生
心腑塵埃上鬓毛簿書今日困道路此身勞細雨閑濡
滯清飈散鬱陶小亭山可見由此欲登高

上合肥太守侍讀傅公

肥水當時守商巖幾代孫精明應玄象清白接靈源山
岳分凝重球琳讓粹溫一書開主惑羣力破姦魂萬事

非吾計孤忠自所存遺聲雙禁闈寵錫兩朱轡道路生
新樂江湖洗舊民澤餘占草木孚至及魚豚不肖塵華
幕無材愧素餐誤懸徐孺榻喜上李膺門簿領才傷拙
塵埃貌苦村初終承至訓老稚飲殊恩遂恐徵書至還
歸近侍尊蛟龍不潛隱鵠鷁自飛翻會亦懲衰弊應須
正本原紀綱維盡力孤鼠可忘言鼎鼐開先烈鹽梅及
後昆祇知心縕縕不覺語直繁

鄱陽集卷九